

二經同卷

御八

目連所問經

外道問大乘無我義經

佛說目連所問經

西天譯經三藏初放大夫試鴻臚少卿傳教大師臣法天奉詔譯

如是我聞一時佛在王舍城竹林精舍爾時

尊者大目犍連於夜後分從自住處往詣佛

所到已投地頂禮佛足於一面坐

彼時尊者大目犍連即從座起白佛言世尊

若有苾芻苾芻尼迷醉犯戒無慚無愧輕慢

律儀行非法行世尊彼等云何而得其福

世尊告言尊者大目犍連若有苾芻苾芻尼

迷醉犯戒無慚無愧輕慢律儀行非法行彼

人命終生地獄中壽等四大王天五百年計

人間歲數九百万歲

尊者大目犍連復白佛言世尊若有苾芻苾

芻尼迷醉犯戒無慚無愧輕慢律儀不依說

法彼等云何而得其福

世尊告言尊者大目犍連若有苾芻苾芻尼
迷醉犯戒無慚無愧輕慢律儀若不依說法
彼人命終生地獄中壽等忉利天一千歲計
人間算數三俱胝六万歲

尊者大目犍連白佛言世尊若有苾芻苾芻
尼迷醉犯戒無慚無愧輕慢律儀行波逸提
法彼等云何而得其福

世尊告言尊者大目犍連若有苾芻苾芻尼
迷醉犯戒無慚無愧輕慢律儀行波逸提法
彼人命終生地獄中壽等夜摩天二千歲計
人間算數一十四俱胝四百萬歲

尊者大目犍連白佛言世尊若有苾芻苾芻
尼迷醉犯戒無慚無愧輕慢律儀犯吐羅鉢
底法彼等云何得多福利

世尊告言尊者大目犍連若有苾芻苾芻尼
迷醉犯戒無慚無愧輕慢律儀犯吐羅鉢底
法彼人命終生地獄中壽命兜率陀天四千
歲計人間算數五十七俱胝六万歲

尊者大目犍連白佛言世尊若有苾芻苾芻尼迷醉犯戒無慚無愧輕慢律儀犯僧伽婆尸沙法彼等云何得多福利

世尊告言尊者大目犍連若有苾芻苾芻尼迷醉犯戒無慚無愧輕慢律儀犯僧伽婆尸沙法彼人命終生地獄中壽等化樂天八千

知八

二

歲計人間筭數二百三十俱胝四百万歲

尊者大目犍連白佛言世尊若有苾芻苾芻尼迷醉犯戒無慚無愧輕慢律儀犯波羅夷法彼等云何得多福利

世尊告言尊者大目犍連若有苾芻苾芻尼迷醉犯戒無慚無愧輕慢律儀犯波羅夷法

彼人命終生地獄中壽等他化自在天一万六千歲計人間筭數九百一十五俱胝六百万歲

尊者大目犍連聞佛說已心大歡喜作禮而去

※

佛說目連所問經

※

外道問聖大乘法無我義經

西天譯經三藏對勘表試滿願少卿傳教大師巨法天奉 詔譯

如是我聞一時佛在大眾中爾時外道有疑欲決迷大乘行來至佛所稽首恭重合十指

掌問無我義大丈夫是一切智常說此身無

我若身無我本性亦無云何說有哀啼戲笑憎愛兩舌等事當何所生是我所疑願賜除如來所言身與本性有無云何佛言外道諦聽諦受當為汝說

知八

三

佛言身與本性體本空故說或有或無斯成

二法言是有者斯更虛妄佛言當觀全身髮甲皮毛兩手雙足至於脂筋脾腸骨髓等事周徧內外不見本性外道言大丈夫若彼不見本性以我肉眼云何能見或以天眼而能見乎

佛言天眼見彼無色無相無住此見非見外